

AENTSU NINIURIN CHICHAME MASHINIU AMIKTIN

Yánkuam 10, 1948 uwítin, Naciones Unidas-num núkap aents tuókar, kókaram chichaman amíktinian etsérkaru ainiawai. Jú chichaman yajó nunkanam aújas nekawar, etsérkar, aujmattsar iniankókiarat tusar najónawaru ainiawai. Tura aentsank. uchi unuimiaiainiana ausha, aentsu chichame étserkamuana aú achikiar aujsar, unuimiarar nekawar nii pujamuri umintikiarat tusar. Tura aentsank yajó nunka tepakmanumash mash jú papin nekawar, etsérkar, paón ajósma atí tusar. Tuma asamtai nukap aents tuakar, jú chichaman yajó nunka. etserkamu atí tusar ejéraru ainiawai.

JUÁRMA

Aents yajauch chichaman waintsuk ankón pénker pujustin ainiawai. Yajó nunkanam . aentsu chichame etsérkamu mashi paórlt ajóstin ainiawai. Shuar chíkich aentsjaish nuamtak métekkarak iísma atin ainiawai.

Aentsu chichame pénker etsérkachma, nekáchma asamtai, shuar wishikkramu, asútiamu, eméskamu, awáttram, yajaúch amókma ainiawai. Tuma asamtai yamaikia ukúnma af aents nuómtak nunkanam pénker asutiachma, waíttcha pujúsat tamaiti.

Aents yajauch nétse aínis enentaimin, aentsu chichame mashiniu amiktin, kókaram papinium aárma arantukma tama awai.

Yajó nunka tepakmanumash ii shuarijiaish pénker nekaniar, aróntunaikiar pujustin tamaiti.

Naciones Unidas-num aents anaikiamu ainia aú iruntrar, aents métekkarak armí tusar papínium aárrar útsukaruiti. Aentsan aishman, nuajaish métek emkiar, takakmakiar, weenak, ankan penker pujusarat pujusarti tiaruiti.

Yaja nunkania ainiana au, Naciones Unidas-num irunar chichaman juki wenana aú, yaintai tiaru ainiawai. Shuara chichame mashi nekówar amikiarat tiaruiti.

Aentsu chichame mashiniu amiktin, papinium paónt kókaram aárma asamtai, mash nekawar amikiartitiaruiti.

MASH AENTS TUÁKAR AÚJMATISAMU

Júna étseawai

Aentsu Niniurin Chichame Mashiniu Amiktin

Aentsu chichame mashiniu amíktin etsérkamu asamtai, Naciones Unidas-num aents irutkamunmania, mátsatkamunmania tuókar, jú chicham pénker amikiarat tusaraujmatsar etsérkaru ainiawai. Ashi aents takakmainiana ausha ju chicnaman nekówar unuiniaki, etsérkiar weénawai. Kókaram chicham aárman, ju nunkanam tura yajó nunkanmash arantukar amikiarat timiaiti.

TÁMA CHIKÍCHIK

Aents yajó nunkanam akínia asamtaish, metekrak ainiaji. Tumasha ni chichamenka tuke amiktin ainiawai. Ni iniakmamuri, ní chichamejaituke aniakmamsar chichakartin ainiawai. Tuma asamtai aents mash nekawar, penker metekrak, nuamtak waró warat shiir pujusarmi tusar aárma awai.

TÁMA JÍMIAR

Mash nunkanmania aents matsatka aínia aú, jú papi kókaram aarma, nii amikiartin tama etsérkamuiti. Tura nua, aishmankash, nii chíkich yuúsrin takakiatsha; yajó nunkanmania óchitkiaitiat, chikich aentsjaish apatkar iyamka metekrat ainiaji. Aents chíkich aentsjai páchitkiaitiat, niisha kuitia takakchaitiat, turuskesh takakuitiat, yajó nunkanam akiniatkiusha chikich aetnsjaish métekkarak ainiawai. Tuma asamtai aents nisha iirka akush juú nunkanam pujátikia, penker pujúsar, kókaram papi aárma óna aú tukeumiktiniaitji.

Nunisan aents mash nunkanam niisha pujuinia ausha, ni uúntrin umirin asar, maónitsuk, ankón penker pujusarat tusar jú papi aarman umikiartinaiti.

TÁMA MENÁINT

Aents niisha yajania akusha tuke jú papinkia amiktin ainiawai. Tura pénker ankan pujustin, kajernaitsuk, awatnaitsuk pujusartin ainiawai.

TÁMA AÍNTIUK

Aents tí iniótai, waítkiatia, tí takókmartiktai, aents surútai, aíniana aúka najashtin tama kókaram papi aárma awai. Tura aents niísha pénker puja anónkar, yajó nunkanam jukír surúkchatnuiti. Tura shuaró muúke tsupikiar surukchatnuiti.

TÁMA EWEJ

Aents aínia au nónkamsar awattrashtiniaiti. Tura waítkiasar apújsashtiniaiti. Tura chíkich shuar tunamaru aínia ausha wishikrar, usúkiar, misú ukuinkiar natsónmai ekamsachminiaiti.

TÁMA UJÚK

Aents chíkich ainia au, waitmenmai amajainia wainkiurkia uunt ainia au wárik ujókartiniaitji. Kókaram chichamjai asutiawarat tusar, tura nuyó ayampruktin awai.

TÁMA TSÉNKENT

Kókaram chicha m juamunmaka, aents mash métek akiniawaru asamtai yaimkiartiniaiti. Aentsu awátin, waitmenmai amajainiakuinkia uúnt anaikiamu élinia aú, jú chichaman uminiachkui asútiamu aórtiniaiti. Aents chíkich aentsun, kajéreak shainch iís ajakuinkia; wijiainkia metékchaitme takuish; aentstikia chíkich aentsjaish métek asar ayamrumaktiniaitji.

TÁMA YARÚSH

Mash aents amia aú, kókaram chicham .iwiartainiam, waúmak yaimiainiachkuinkia, aents kajértsuk, kakóram chichaman umikiarat tusar yainkiartiniaitji.

TÁMA USÚMTAI

Aents nánkamas weka wainkiursha, aóntar achikiar sepunam eneachminiaiti. Tura nánkamsar níí nunkénia, níí mótsatkamurinia yajá nunkanam jukishtiniaiti.

TÁMA NÁWE

Chíkich aents akuisha, kókaramchichamjainkia metékkarakainiawai. Tuma asamtai aents nankamsarkia sepunam eneachminiaiti. Tura nankamsarkia ni matsatkamurinia, irutkamurinia enkémar yajá nunkanam jukichminiaiti.

TÁMA NÁWE CHIKÍCHIK

Aents chíkich aentsun antar kasómka wainkidchiat, waúrkir kasarrikayi tichatnuitji. Kasómka wainkia asarkia, aents uúnt anaikiamu ekétu ujaktiniaitji. Chíkich aents umitmakun, níí aentsri iniamrasha aminiaiti. Nuna pénker nekamí tusar óya úntak untók iruntrar iwiaratin aíniawai. Tura nii shuari ii chichamejai chicharak ayamrakuinkia anturkatin ainiawai.

Ekuatura uuntri kókaram papi aórma iisar umikiartin aíniawai. Aents tunaku, nu papijiai sepunam urútma nantua pujustata, kuitniasha urútmana akikmaktinait tusar nu chicham pénker nekatín aín.iawai. Ekuatura uuntri kókaram papi aórma, aents umitsuk nankamas nukap tsawant .sepunam eneachminiaiti, aentsank nánkamsar núkap kuit akikmakta tusarkia aents anankashtiniaiti.

TÁMA NÁWE JÍMIAR

Aents aóntar, chikich shuaran jeén nankamas waniachminiaiti. Tura aentsan óntar níí jeén enkéma níí imiatkinrin takaschatnuiti, tura entrar waintiuar awatchatnuiti. Tura tsanumashtiniaiti. Aentsank wait chichamnasha etsérkenikia wekaishtinaiti. Nuna tura Ekuatura untri wainkiunka kókaram chichanijai jú aentsun asútiatnuiti.

TÁMA NÁWE MENAÍNT

Shuar nánkamas ni nunkenchu wekasashtiniaiti. Tura aents tui pujustiniait nunasha ninki wakeruk jui pujustatjai titiniaiti.

Aents ni nunkenia jinki, yaja nunkanam pachitsuk weminiaiti. Tura nú aents, ni nunke waketkitiaj takunka, uyumatsuk waketkitnuiti.

TÁMA NÁWE AÍNTIUK

Aents aínia au nankamas chíkich aents kajerkamka, ni nunkenia jinki chikich nunkanam pachitsuk weminiaiti. Jú aentska yajá nunkanam pujústaj takunka ni wakeramu tsawantin, uwitin pujusminiaiti.

Aents níísha yajá nunkanam wétasa puja, turuskesh weá, itiurchat chi.cham jurúkchamniaiti. Chicham Naciones Unidas-num ejéramu aó asamtai.

TÁMANÁWE EWÉJ

Aents ni nunké akinia asa, tuke nú nunkanam achitkia atiniaiti. Tumaasamtai Ekuatura untri tuké yainma atiniaiti.

Aents ni nunke akinia, chikich nunkanam wetaj tau itiurchat amasachminiaiti, tumaitkuish chikich nunkanam pujustaj tusa wakera suritkiashtiniaiti.

TÁMA NÁWE UJÚK

Aeshman natsa, nua natsa ainia aú, pachitsuk ni aents wakeramurijai nuatnaik turuskesh, nuatak pujusminiaiti. Inkish tura tarimiat aents akusha, chikich aents ARÚTMAM- (Dios) enentaimtin akusha, yajania. nunka pachikia akusha, pachitsuk nuatak, nuatnaik ni shuarijiainajónairar pujusminiaiti. Tura aentsank ajapnaiyataj takusha pachitsuk ajapnayaimnia aíniawai.

Aeshman, nuajai mae wakerunai ajarar nuatnaikiarmin aíniawai. Nua, aeshman imian nuótak, nuatnaik pujushamnia enentaimkiunka turachminiaiti, óyatkish tsanink pujúsminiaiti.

Aents nuatnaik nuwen, uchirin takakuka, irutkamunam, matsatkamunam paan ajarar pujusartiniaiti, tuma asamtain Ekuatura untrinkia chicham yajauch akuish pachitsuk ayamrutinówai.

TÁMA NÁWE TSÉNKENT

Aents ni jeen sumóku asa, ni nérentin atiniaiti. Jeón, ajón takakuinkia niniuk atiniaiti, tumaitkush matsatkamunmash, initkamunmash chikich aentsjai irunar takókmasaruitkuinkia niniu ainiawai.

Aentsu jeéncha, twra ajarincha, warín óchat mash niniu asarmatai, aóntar núnka atánkir aents jurúkchatnuiti tama aórma ówai.

TÁMA NÁWE YARUSH

Aents pachitsuk ni wakeramun, ánkán enentaímin aátiniati, tura níísha ARÚTMARIN enentaímtin árhliniaiti. Tura pachitsuk ni ARÚTMARIN, ni enentaí yapajia, ankan pénger pachitsuk pujusmin aíniawai. Nuna turuiniakuinkia úmas turúskesh paánt ajásar warinkish ARÚTMAN wararsamnia aíniawai.

TÁMA NÁWE USÚMTAI

Aents ni enentaímmian, ishamsuk chikich aetns ainia aún ujaktin ainiawai. Tura aentsank chikich aents ainia au, metekrakka enentaímin ainiatsui, tumaitiak itiurchat aents chichaku asarmatai, itiurchat amasashtiniaiti. Chicham pénger nekar tuinkish etsérkamu atiniaiti ishamsuk.

TÁMA NÁWE JÍMIAR

Aents maónitsuk pénger pujuinia shiir awajsar yainkiar iruntrar nuamtak pénger pujustiniaiti.

Turasha aents irunar nuómtak tsanink pujustajtsa nakitia, antrar utsukchatnuiti.

TÁMA NÁWE JÍMIAR CHIKÍCHIK

Mash aents Ekuatura untri chichame etserkui, umirkatnuitji. Ekuatura untri, aents anaík takókma tusa apújsamujai pénger iruntrar takakmastiniaitji.

Aents Ekuaturnum pachitkia asa tuinkish pachiniaik takakmastiniaiti.

Aents ni aentsrijiai, anaik ekentsamu, Ekuatura untri arantuktiniaiti. Ii aentsri anaikiar ekentsami tusarkia, papinium ajaptainiam anaikiar, ekentsamu atiniaiti.

TÁMA NÁWEJÍMIAR JÍMIAR

Aents mash ankón uyúmtsuk pénger enentaímsar pujusarat tusar, Ekuatura untri ii aentsri yaintiniaíti. Chikich nunkanmaya uunt anaikiamu akusha, Ekuatura uuntri pachitsuk yainkiartin aíniawai.

TÁMA NÁWE JÍMIAR MENÁÍNT

Aents ni takótan wakérak emkéma takakmasminiaiti. Chikich aents takókmana aentsank níisha métek íisma atiniaiti. Uchi takókma puja ajópamu akuish tuke ayómruckma atiniaiti.

Aents nuwa, tura aishman akusha chikich aentSjai métek íisma atiniaiti. Aents nakitrar muijkiamu achatnuiti.

Aents ni aijiai métek takókma puja, kuit métek 'akikma atiniaiti. Waras kuitiah achik ni nuwen, ni aishrin, ni uchirin pushi sumarak, apatkun sumarat ayurat tusar. Ni aentsrijai pénger irunar, wórás wariniaksha sumak yuawarat tusar. Nuna Ekuatura uuntri ayamruktiniaiti.

Ni matsatkamurin, ni irutkamurin aents iruntrar, ni nunkén tesawar achikman ayamrumakar pénger pujúsarat tusar, chicham jurúkma áwai.

TÁMA NÁWE JÍMIAR AÍNTIUK

Aentsun tuke takókmas ayamratin tama áwai. Tura tsawant ankón akuish tuke ayamratin aíniawai. Ni wakéramun takókmasar, ayamratin aíniawai, tura ankóntan jusar tuinkish wear ayamratin aíniawai.

TÁMA NÁWE JÍMIAR EWÉJ

Aents tsukamsuk, entsatairinha tuke taku, ni jeé pujutairi ankan pénger pujusartiniaiti. Sunkúrmaku akusha tsuamatainiam weér tsuakan sumakar tsuamartin aíniawai. Yurumtainiash tuke takóku aórtiniaiti. Aentsan aents takatnum ajópamu akuish Ekuatura untrinkia tuke ayamruktin atiniaiti. Aents tunamar jaókuish, sunkúrmak pujakuish, wajema pujakuish, untach ajas pujakuish, tura warinkish ni pujamurin eménakmataish túke ayamrumakma atiniaiti.

Nuwa ajamtin, tura uchi kuir ainiana ausha, pénger yainma atiniaiti. Uchi takusar ajapamu akuish, Ekuatura untrin ayómruckma atiniaiti tama aárma áwai.

TÁMA NÁWE JÍMIAR UJÚK

Uchi kuér ainia aú tuke unuimiatainiam unuimiartin ainiawai. Uchi unuimiartinkia kuitchaiti, Ekuatur yaimiu asamtai. Uchikia mash tuke unuimiartin aíniawai, Ekuatura untri útsua asamtai. Aentsan natsasha nuú nankómas unuimiarmin aíniawai. Ninki kakóram ajasar unuimiarartin aíniawai.

Aents unuimian emtikia, nuú arón nankómaki unuimiaki weón yayówai. Tura jú aentska tumaki weak warinkish nekaki, pénger chikich aentsjaish irunar amikrnanaiki wetin aíniawai.

Apawach, nukuach ainia aúka, ni uchirin níí wakeramu unuimiarat tusar utsuktin ainiawai.

TÁMA NÁWE JÍMIAR TSÉNKENT

Aents ni puJustinrin, ni nekatairin, iis pénger pujustaj tau tuinkish pachinaik irunar pénger pujusmij taun útsukma atiniaiti. Tura aents mash iruntrar emkatin enentaí achikiar, aró arant unuimiarar, emkatin enentaí achikiar pujustin aíniawai.

Aents imiatkinia najónan, chikich aents níí najóna aitkiash jukichminiaiti, nuna Ekuatura uuntri tuke ayamrukma atiniaiti.

TÁMA NÁWE JÍMIAR YARUSH

Kókaram papi jui aarmaka, mash ju nunkanam pujati tuke umiktiniaitji. Wari Ekuaturnum tura yajónnukanam aents tuókar jú papin pénker aárraru asamtai.

TÁMA NÁWE JÍMIAR USÚMTAI

Aents mash iruntrar ankan pénker enentaimsarpujusarmi tusar, uunt anairamu matskamuham pujuinia yainma atiniaiti.

Aents ainia au ankan pénker pujusarmi tusar wakeriniaka, chikich aents ainia aujai kajernaitsuk, manitsuk pujusartin ainiawai. Tuma asamtai mash iruntrar métek pujuiniak, Ekuatura uuntri kókaram papi arman umikiartin ainiawai.

Aents mash ankón pénker pujúsarmij tusar wakeruiniaka, ju kókaram papi arma tuke umikiartin ainiawai.

TÁMA MENAINTIU NÁWE

Ju kókaram papi arman nekówaru asar aents túke umikiartin ainiawai. Aents junanekawar, ankón pénker pujusarat tusar, uunt chikichkimsar surimkiartiniaiti. Tura chikich aents ainiana ausha nunakó surimkiachartin ainiawai. Jú kakaram chicham apipium aarman mash aentstikia umikiartin ají.